

գնաց յԱդրիանուպօլիս, ուր հասեալ էր յայնժամ՝ Եպարքոսն, և մատոյց առ նա զգիր Թիյար օղլու Բդեշխին եւ էարկ աղերս 'ի դիմաց Հայոց: Իսկ Եպարքոսն առեալ և ընթերցեալ զԹուղթն ծալեաց եւ եղ 'ի ներքոյ ծնդաց իւրոց, և ոչ արար պատասխանի առ իշխանն. այլ գրեաց գիր առ Թիյար օղլուն, թէ զոր ետու՝ տուեալ եմ: Բայց այսու ամենայնիւ Թիյար օղլուն թոյլ ետ Հայոց բանալ 'ի Զատիկի զբուռն Ս. Յակոբայ եւ դարձեալ էառ զփահանսն, այլ Թողացոյց նոցա կալ անդ լուութեամբ իրրեւ 'ի ծածուկ:

Զայս լուեալ Եպարքոսին յազդարարութենէ Յունաց, գրեաց սաստ առ Թիյար օղլուն, և ինքն եղ այնուհետեւ 'ի մոի 'ի ձեռս բերել զԵղիազար եւ առնուլ զգլուխ նորա: Եւ Հայք յանհնարինս մտեալ՝ ազդ արարին Եղիազարու զգուշանալ անձին, եւ առնուլ գիր վկայութեան 'ի դատաւորաց Երուսաղէմի և 'ի Բդեշխից. և նորա դեզերեալ այսր և անդր, չրջէր տաղնապաւ յԵղիապոս եւ 'ի Դամասկոս և 'ի Գազա և յայլ տեղիս:

Յետ ապստամբելոյ 18 Բդեշխից՝ ընդ որս էր և Թիյար օղլու, կոչեալ առ ինքն զԵղիազար սահեաց գնա առ իւր, ակն ունելով առնուլ և այլ ինչ 'ի նմանէ. և յուսացուցանէր զնա 'ի վերայ վանաց Ս. Յակոբայ, ապելով՝ թէ մեք հանդերձեալ եմք փոխել տալ զԵպարքոսն, եւ կարգել զմին 'ի մէջ Եպարքոս, եւ յայնժամ 'ի գլուխ տարայց զխնդիր քո: Եւ թէպէտ Եղիազար ոչ հաւատայր այսմ, և աղաչէր արձակել զինքն, բայց Թիյար օղլուն ոչ եթող զնա իբր տարի մի:

Ի ամին ժամանակի նուիրակունք Ս. Էջմիածնի մտեալ 'ի սահմանս Օսմանեան Պետութեան սիւսեալ էին 'ի գաւառս և 'ի քաղաքս. 'ի Վան, 'ի Տիգրանակերտ, 'ի Կարին, 'ի Տարոն եւ յայլ տեղիս. հասին նաեւ մինչ 'ի Կոստանդինուպօլիս, բաժանէին զՄիւսոնն Ս. և Ժողովէին զտուրս Ժողովրդոց: Սակայն թողեալ նոցա զպաշտօնս իւրեանց, ձեռն արկին ընդդէմ կանոնի յիրս և կեղեցոյ. փոխել զառաջնորդս և այլայլել զպաշտօնեայս եկեղեցոյ բոս կամաց իւրեանց, և արկանել խռովութիւն 'ի տեղիս տեղիս. զինել զբաղումս ընդդէմ իշխանութեան ազգին. յորդո-